



Broj: 07-07-542-01/07
Mostar, 15.06.2007. godine

Na osnovu članova 14. i 15. Zakona o električnoj energiji („Službene novine FBiH“ br. 41/02, 24/05, 38/05), članova 12. stav (1) i 14. stav (1) Statuta Regulatorne komisije za električnu energiju u Federaciji Bosne i Hercegovine („Službene novine FBiH“ br. 13/04) i članova 31. 52. i 53. Poslovnika o radu Regulatorne komisije za električnu energiju u Federaciji Bosne i Hercegovine („Službene novine FBiH“ br. 59/04), te članova 44. stav (1) tačka a), 45. i 50. stav (1) Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine FBiH“ br. 37/05) i članova 9. 52. 55. i 71. Pravilnika za tarifnu metodologiju i tarifne postupke („Službene novine FBiH“ broj 45/05), Regulatorna komisija za električnu energiju u Federaciji Bosne i Hercegovine – FERK je, na IX. redovnoj sjednici održanoj u Mostaru dana 15.06.2007. godine, donijela

O D L U K U

o provođenju drugog tarifnog postupka

Član 1.

Utvrđuje se da je započeo drugi tarifni postupak po zahtjevima podnesenim od strane podnosioca zahtjeva Javnog preduzeća Elektroprivreda Bosne i Hercegovine d.d. - Sarajevo i to: po Zahtjevu za odobrenje tarifa za djelatnost proizvodnje električne energije primljenim pod brojem 07-02-273/3/07 po Zahtjevu za odobrenje tarifa za djelatnost distribucije električne energije primljenim pod brojem 07-02-274/4/07 i po Zahtjevu za odobrenje tarifa za djelatnost snabdijevanja električnom energijom primljenim pod brojem 07-02-275/5/07, svi podneseni dana 26.03.2007. godine.

Član 2.

Ovom odlukom utvrđuje se da su započeli postupci formalnih rasprava u drugom tarifnom postupku po zahtjevima iz člana 1. ove odluke.

Član 3.

FERK planira postupke formalnih rasprava provesti najkasnije do 21.12.2007. godine, prema planu aktivnosti na provođenju postupaka formalnih rasprava iz člana



4. ove odluke, vodeći računa o rokovima za donošenje konačnih odluka o određivanju tarifa u drugom tarifnom postupku.

Član 4.

Formalne rasprave u drugom tarifnom postupku pokrenutom po zahtjevima iz člana 1. ove odluke, te formalna rasprava o prijedlogu tarifnih stavova podnosioca zahtjeva, koje je isti dostavio dana 14.05.2007. godine, planiraju se održati u prostorijama FERK-a, na adresi Blajburških žrtava br. 33, Mostar, prema sljedećem rasporedu:

Predmet formalne rasprave	Datum i vrijeme formalne rasprave
Proizvodnja električne energije	03.09.2007.
	04.09.2007.
Distribucija električnom energijom	10.09.2007.
	11.09.2007.
Snabdijevanje električnom energijom	17.09.2007.
	18.09.2007.
Tarifni stavovi	22.10.2007.

Prije održavanja formalnih rasprava iz stava 1. ovog člana, održat će se pripremljene rasprave radi odlučivanja o rasporedu radnji i drugim proceduralnim pitanjima kojim se upravlja tokom postupka.

Član 5.

Formalne rasprave iz člana 4. ove odluke su otvorene za javnost, ali u istim mogu učestvovati zaposlenici FERK-a, podnosilac zahtjeva i umješaci.

Član 6.

Obavještenje za javnost o podnesenim zahtjevima iz člana 1. ove odluke i mjestu i vremenu održavanja formalnih rasprava iz člana 4. ove odluke objavit će se u „Dnevnom listu“, „Dnevnom avazu“ i na web stranici FERK-a, na dan 16.06.2007.



godine, i isto će sadržavati informaciju da na formalnim raspravama mogu učestvovati zaposlenici FERK-a, podnosilac zahtjeva i umješači.

U obavještenju se navodi da umješač zahtjev za sticanje statusa umješača u postupku formalne rasprave po Zahtjevu za odobrenje tarifa za djelatnost proizvodnje električne energije primljenim pod brojem 07-02-273/3/07 i/ili Zahtjevu za odobrenje tarifa za djelatnost distribucije električne energije primljenim pod brojem 07-02-274/4/07 i/ili Zahtjevu za odobrenje tarifa za djelatnost snabdijevanja električnom energijom primljenim pod brojem 07-02-275/5/07 i/ili po prijedlogu tarifnih stavova podnosi do 25.06.2007. godine do 12:00 sati, koji je i rok do kada zainteresovana lica mogu podnijeti pisane komentare na podnesene zahtjeve.

Obavještenje iz stava (1) ovog člana je sastavni dio ove odluke.

Član 7.

Status umješača u formalnoj raspravi može steći pravno ili fizičko lice pod uslovom da pravovremeno podnese zahtjev za sticanje statusa umješača, i da ispunjava sljedeće kriterije:

- da ima direktan interes u postupku po zahtjevu za odobrenje tarifa ili po prijedlogu tarifnih stavova u vezi kojeg podnosi zahtjev za sticanje statusa umješača, a koji je različit od opšteg javnog interesa i
- da raspolaze podacima i činjenicama od značaja za formalnu raspravu u drugom tarifnom postupku koji se vodi pred FERK-om.

Član 8.

Ova odluka stupa na snagu danom donošenja, te se objavljuje na web stranici i oglasnoj tabli FERK-a, kao i u «Službenim novinama FBiH».

O b r a z l o ž e n j e

U skladu sa članom 52. stav (1) Pravilnika za tarifnu metodologiju i tarifne postupke i Odluci FERK-a o roku za podnošenje zahtjeva za odobrenje tarifa u drugom tarifnom postupku br. 07-07-83-03/07 od 23.01.2007. godine, FERK je 26.03.2007. godine, primio od JP Elektroprivreda BiH d.d. Sarajevo, Zahtjev za odobrenje tarifa za djelatnost proizvodnje električne energije primljen pod brojem 07-02-273/3/07, Zahtjev za odobrenje tarifa za djelatnost distribucije električne energije primljen pod brojem 07-02-274/4/07 i Zahtjev za odobrenje tarifa za djelatnosti snabdijevanja električnom energijom primljen pod brojem 07-02-275/5/07.



Prilikom pregleda kompletnosti primljenih zahtjeva utvrđeno je da isti ne sadrže sve potrebne podatke i dokumente propisane Pravilnikom za tarifnu metodologiju i tarifne postupke.

Na osnovu navedenog, FERK je podnosiocu zahtjeva uputio Obavještenje o nedostacima podnesenih Zahtjeva za odobrenje tarifa u djelatnostima proizvodnje, distribucije i snabdijevanja električnom energijom br. 07-02-273-01/3/07, 07-02-274-01/4/07 i 07-02-275-01/5/07 od 23.04.2007. godine, kojima je tražio od podnosioca zahtjeva da zahtjeve dopuni potrebnim podacima i dokumentima.

Povodom navedenog Obavještenja o nedostacima podnesenih zahtjeva, FERK je od podnosioca zahtjeva dana 30.04.2007. godine primio pod brojevima 07-02-273-02/3/07, 07-02-274-02/4/07 i 07-02-275-02/5/07 dio tražene dokumentacije i podataka. U istom dopisu podnosilac zahtjeva je obrazložio da dostavlja dio tražene dokumentacije, koju je u ostavljenom roku bio u mogućnosti osigurati, kao i komentare na neke od postavljenih pitanja. Također je dao objašnjenje da će Prijedlog novih tarifnih stavova sa potrebnim analizama i obrazloženjima dostaviti naknadno kada o istim dobije mišljenje predstavnika vlasnika većinskog kapitala (FMERI) i Nadzornog odbora Društva, te predlaže provođenje drugog tarifnog postupka uz dostavu ostale dokumentacije u toku provođenja istog.

FERK je neposredno prije donošenja Odluke o provođenju drugog tarifnog postupka podnosiocu zahtjeva uputio i nekoliko Zahtjeva za informacijama, kako bi upotpunio dostavljenu dokumentaciju i to dana 11.05.2007. godine Zahtjev za informacijama broj: 07-02-273-03/3/07, 07-02-274-03/4/07 i 07-02-275-03/5/07 i dana 01.06.2007. godine Zahtjev za informacijama broj: 07-02-273-05/3/07, 07-02-274-05/4/07 i 07-02-275-05/5/07.

Na osnovu traženih informacija podnosilac zahtjeva se također izjasnio i to dana 14.05.2007. godine dostavio Prijedlog tarifnih stavova u drugom tarifnom postupku odobren od strane Nadzornog odbora, te obrazloženje dostavljenih tarifnih stavova primljeni u FERK-u pod brojem 07-02-422/07, dana 18.05.2007. godine kada je dostavio i djelomično obrazloženje FERK-ovog zahtjeva za informacijama i kopiju Odluke Nadzornog odbora podnosioca zahtjeva o davanju saglasnosti na zahtjeve za odobrenje tarifa u drugom tarifnom postupku primljen pod brojem 07-02-273-04/3/07, 07-02-274-04/4/07 i 07-02-275-04/5/07, kao i dana 13.06.2007. godine Dopis drugi tarifni postupak primljen pod brojem 07-02-273-06/3/07, 07-02-274-06/4/07 i 07-02-275-06/5/07 kojim je podnosilac zahtjeva dostavio dio dokumentacije i obrazloženja vezano za pokretanje tarifnog postupka pred FERK-om.

U skladu sa članom 9. i 71. Pravilnika za tarifnu metodologiju i tarifne postupke, FERK će započeti drugi tarifni postupak na osnovu podataka koje je dostavio podnosilac zahtjeva, a na dostavljanju sve tražene a nedostajuće dokumentacije, podataka i informacija, FERK će insistirati tokom tarifnog postupka, te može zahtjevati od podnosioca zahtjeva dostavljanje procjene istih, s tim da FERK



zadržava i pravo vlastite procjene istih, a sve u skladu sa Pravilnikom za tarifnu metodologiju i tarifne postupke.

Član 45. Pravilnika o javnim raspravama i rješavanju zahjeva i žalbi FERK-a propisuje obavezu obavještanja javnosti o podnesenim zahtjevima za odobrenje tarifa i o datumu održavanju formalnih rasprava, kao i sadržaj obavještenja za javnost.

Članom 50. stav 1. Pravilnika o javnim raspravama i rješavanju zahtjeva i žalbi FERK-a, određeno je da nakon početka postupka formalne rasprave FERK zakazuje formalnu raspravu radi utvrđivanja činjenica.

Na osnovu navedenog odlučeno je kao u dispozitivu odluke.

PREDSJEDNIK FERK-a
Zdenko Šimunović s.r.